

Anketa mladih bh. intelektualaca van BiH

MLADI ŽELE DA SE VRATE U BOSNU I HERCEGOVINU

SARAJEVO - Velika većina mladih iz Bosne i Hercegovine se, suprotno javnom razmišljanju, planira vratiti u svoju zemlju po završetku studija u inostranstvu, pokazuju rezultati ankete koju je proveo tim projekta BiHStudenti.com s namjerom analiziranja razmišljanja mladih bh. intelektualaca koji se nalaze van Bosne i Hercegovine.

Prema rezultatima istraživanja, 76 odsto ispitanika razmišlja o traženju posla u Bosni i Hercegovini, a 64 odsto njih

trenutno studira. Samo 10 odsto mladih ne planira da se vrati da radi u BiH, dok 57 odsto planira da se vrati, a 29 odsto ove grupe bi se vratilo u BiH odmah.

Gotovo četvrtina anketiranih još ne znaju da li bi se vratili i zaposlili u BiH. Na pitanje šta ih najviše sprečava da se vrate i nađu posao u BiH, više od 55 odsto mladih je izjavilo da je to politička situacija, a više od 53 odsto ispitanih smatraju kvalitet poslova najslabijim aspektom bh. radnog tržišta. (Fena)